

WOKOVU

Matendo 4:12 Wokovu haapatikani kwa mtu mwininge yejote, kwa maana duniani pote, binadamu hawakupewa jina la mtu mwininge ambaye sisi tunaweza kuokolewa naye."

Waembrania 5:8,9 Lakini, ingawa alikuwa Mwana wa Mungu, alijifunza kutii kwa njia ya mateso. Na alipofanywa mukamilifu, akawa chanzo cha wokovu wa milele kwa wale wote wanaomtii,

Yohane 5:24 "Kweli nawaambieni, anayesikia neno langu, na kumwamini yule aliyenituma, anao uzima wa milele. Hatahukumiwa kamwe, bali amekwisha pita kutoka kifo na kuingia katika uzima.

Waembrania 12:14 Jitahidini kuishi kwa amani na watu wote. Ishini maisha ya utakatifu, kwa sababu hakuna mtu atakayemwona Bwana bila ya maisha kama hayo.

Ufunuo 3:20 Sikeliza! Mimi nasimama mlangoni na kubisha hodi. Mtu akisikia sauti yangu na kufungua mlango, nitaingia nyumbani kwake na kula chakula pamoa naye, naye atakula pamoa nami.

Waroma 12:12 Tumaini lenu liwaweke daima wenye furaha; muwe na saburi katika shida na kusali daima.

Luka 16:10 Yeyote aliye mwaminifu katika mambo madogo, atakuwa mwaminifu katika mambo makubwa; na yejote asiyeye mwaminifu katika mambo madogo, hatakuwa mwaminifu katika mambo makubwa.

Luka 9:23 Kisha akawaambia watu wote, "Mtu yejote akitaka kuwa mfuasi wangu, ni lazima ajikane nafsi yake, auchukue msalaba wake kila siku, anifuate.

Luka 6:30,31 Yeyote anayekuomba mpe, na mtu akikunyang'anya mali yako usimtakie akurudishie. Watendeeni wengine kama mnavyotaka wawatendee ninyi.

Marko 16:15 Basi, akawaambia, "Nendeni ulimwenguni kote mkahubiri Habari Njema kwa kila mtu.

Mathayo 18:5 Yeyote anayemkaribisha mtooto mmoja kama huyu kwa jina langu, ananikaribisha mimi.

MSAMAHÀ

1 Yohane 1:9 Lakini tukizungama dhambi zetu, basi Mungu ni mwaminifu na mwadilifu, naye atatusamehe dhambi zetu na kututakasa na uovu wote.

Waembrania 8:12 Nitawasamehe makosa yao, wala sitakumbuka tena dhambi zao."

Waefeso 4:32 Muwe na moyo mwema na wenye kuhurumiana; kila mmoja na amsamehe mwenzake kama naye Mungu aliviyowasamehe ninyi kwa njia ya Kristo.

Yohane 20:23 Mkiwasamehe watu dhambi zao, wamesamehewa; msipowaondolea, hawasamehewi."

Luka 17:3,4 Jihadharini! Kama ndugu yako akikukosea, mwonye; akitibu, msamehe. Na kama akikukosea mara saba kwa siku, na kila mara akarudi kwako akisema Nimetubu, lazima umsamehe."

Mathayo 6:14 "Maana mkiwasamehe watu makosa yao, Baba yenu wa mbinguni atawasamehe ninyi pia.

1 Yohane 3:17 Basi, mtu akiwa na mali za hapa duniani, halafu akamwona ndugu yake ana shida, lakini akawa na moyo mgumu bila kumwonea huruma, anawezaje kusema kwamba anampenda Mungu?


Waembrania 12:14 Jitahidini kuishi kwa amani na watu wote. Ishini maisha ya utakatifu, kwa sababu hakuna mtu atakayemwona Bwana bila ya maisha kama hayo.

2 Timotheo 2:15 Jitahidi kupata kibali kamili mbele ya Mungu kama mfanyakazi ambaye haoni haya juu ya kazi yake, na ambaye hufundisha sawa ule ujumbe wa kweli.

Mathayo 5:44 Lakini mimi nawaambieni, wapendeni adui zenu na kuwaombea wale wanaowadhulumu ninyi

Waefeso 4:29 Maneno mabaya hata yasisikike kamwe mionganini mwenu; kila mara maneno yenu yaye ya kufaa na ambayo hujenga na kuwasaidia wengine, ili yawaneemeshe wasikilizaji wenu.

KITABU CHA AHADI YA MUNGU



KIMEANDIKWA NA KUCHAPISHWA NA:
International Missionary Outreach Fellowship Inc.
8069 FM 1251E, Henderson, TX 75652
www.imofinc.org
KWA USHIRIKIANO NA:
CHRIST CHILDREN MINISTRY EAST AFRICA
GPO BOX 842 KIMILILI 50204 KENYA

Nawatakieni neema na amani tele katika kumjua Mungu na Yesu Bwana wetu. Kwa uwezo wake wa kimungu, Mungu ametujalia mambo yote tunayohitaji, ili tuishi maisha ya kumcha Mungu kwa kumjua yeye aliyetuuta tuushiriki utukufu na wema wake yeye mwenyewe. Kwa namna hiyo ametujalia zawadi kuu na za thamani ambazo alituahidia, ili kwa zawadi hizo mpate kuziepa kabisa tamaa mbaya zilizomo duniani, na mpate kuishiriki hali yake ya kimungu.

(2 Petro 1:2-4)

2 Wakorintho 10:5 Na kubomoa kila kizuizi cha majivuno kilichowekwa kuipinga elimu ya Mungu; tunaziteka fikira zote na kuzifanya zimtii Kristo.

1 Wakorintho 13:3-7 Nikitoa mali yangu yote na kuwapa maskini, na tena nikiutoa mwili wangu uchomwe, kama sina upendo hiyo hainifai chochote. 4/Mwenye upendo huvumilia, hufadhili; mwenye upendo hana vivu, hajidai, wala hajivuni. 5/Mwenye upendo hakosi adabu, hatafuti faida yake binafsi, wala hana wepesi wa hasira; haweki kumbukumbu ya mabaya, 6/hafurahii uvuu, bali hafurahia ukweli. 7/Mwenye upendo huvumilia yote, huamini yote, na hustahimili yote.

Waroma 14:13 Basi, tuache kuhukumiana, bali tuazimie kutokuwa kamwe kikwazo kwa ndugu yetu au kumsababisha aanguke katika dhambi.

Waroma 15:1 Sisi tulio imara katika imani tunapaswa kuwasaidia wale walio dhaifu wayakabili matatizo yao. Tusipendelee sisi wenyewe tu.

Mathayo 6:33 Bali, zingati kwanza Ufalme wa Mungu na matakwa yake, na hayo mengine yote mtapewa kwa ziada.

Yohane 3:16 Maana Mungu aliupenda ulimwengu hivi hata akamtoa Mwana wake wa pekee, ili kila amwaminiye asipotee, bali awe na uzima wa milele.

Waroma 6:23 Kwa maana mshahara wa dhambi ni kifo; lakini zawadi anayotoa Mungu ni uzima wa milele katika kuungana na Kristo Yesu, Bwana wetu

1 Wathesalonike 5:9 Maana Mungu hakututeua ili tuangamizwe na ghadhabu yake, bali tuupate wokovu kwa njia ya Bwana wetu Yesu Kristo,

2 Wakorintho 5:17 Mtu yejote akiungana na Kristo huwa kiumbe kipyaa, mambo ya kale yamepita, hali mpya imefika.

Yohane 3:18 "Anayemwamini Mwana hahukumiwi; asiyemwamini amekwisha hukumiwa kwa sababu hakumwamini Mwana wa pekee wa Mungu.

Yohane 14:6 Yesu akamjibu, "Mimi ni njia, na ukweli na uzima. Hakuna aezaye kwenda kwa Baba ila kwa kuititia kwangu.

Waroma 10:9 Kama ukikiri kwa kinywa chako kwamba Yesu ni Bwana na kuamini moyoni mwako kwamba Mungu alimfufua kutoka wafu, utaokoka.

KITIWA MOYO

Yoshua 1:9 “Je! si mimi niliye kuamuru? Uwe hodari na moyo wa ushujaa; Usiopgope wala isifadhaike; Kwa kuwa Bwana, mungu wako yu pamoja nawe kila uendako.”

Waerania 13:5,6 Msiwe watu wa kupenda fedha; toshekeni na vile vitu mlivyo navyo. Mungu mwenyewe amesema: "Sitakuacha kamwe, wala sitakutupa." Ndiyo maana tunathubutu kusema: "Bwana ndiye msaada wangui, sitaogopa. Binadamu atanifanya nini?"

Mathayo 19:26 Yesu akawatazama, akasema, "Kwa binadamu jambo hili haliwezekani, lakini kwa Mungu mambo yote huwezekana."

Isaya 40:31 "Bali wao wamngojeoa Bwana watapata nguvu mpya; Watapanda juu kwa mbawa kama tai; watapiga mbio, wala hawatachoka; watakwenda kwa miguu wala hawatazimia."

2 Wakorintho 4:17 Taabu tunayopata ni kidogo, tena ya muda tu: lakini itatupatia utukufu upitao matazamio yote, utukufu ambao hauna mwisho.

2 Wakorintho 10:4 Maana, silaha tunazotumia katika vita vyetu si silaha za kidunia, ila ni nguvu za Mungu zenye kuharibu ngome zote. Tunaharibu hoja zote za uongo,

Yohane 16:33 Nimewaambieni mambo haya ili mpate kuwa na amani katika kuungana nami. Ulimwenguni mtapata masumbuko; lakini jipeni moyo! Mimi nimeushinda ulimwengu!"

Zaburi 44:7 "Bali wewe ndiwe uliyetuokoa na watesi wetu; Na watuchukiao Umewaabihsa."

Yakobo 4:7 Basi, jiwekeni chini ya Mungu; mpingeni Ibilisi naye atawakimbieni.

Zaburi 34:19 "Mateso ya mwenye haki ni mengi, Lakini Bwana humponya nayo yote."

Ufunuo 3:21 "Wale wanaoshinda nitawaketisha pamoja nami juu ya kiti changu cha enzi, kama vile mimi mwenyewe nilivyoshinda nikaketi pamoja na Baba yangu juu ya kiti chake cha enzi.

Ufunuo 2:26 "Wanaoshinda, na wale watakaozingatia mpaka mwisho kutenda ninayotaka, nitawapa mamlaka juu ya mataifa.

UPONYAJI

Isaya 53:5 "Bali alijeruhija kwa makosa yetu, alichubuliwa kwa maovu yetu; Adhabu ya amani yetu ilikuwa juu yake, Na kwa kupigwa kwake sisi tumepona."

1 Petro 2:24 Yeye mwenyewe alizibeba dhambi zetu katika mwili wake juu ya msalaba, tupate kufa kuhusu dhambi, na kuishi kwa ajili ya uadilifu. Kwa majeraha yake, ninyi mmeponywa.

Zaburi 103:2,3 "Ee nafsi yangu Umhimidi Bwana, wala Usizisahau fadhili zake zote. Akusameche maovu yako yote, Akuponya makonjwa yako yote."

Matendo 10:38 Mnajua Yesu wa Nazareti na jinsi Mungu alivyomteua kwa kummiminia Roho Mtakatifu na nguvu. Mungu alikuwa pamoja naye; yeye alikwenda huko na huko akitenda mema na kuwaponya wote waliokuwa wamevamiwa na Ibilisi.

Luka 8:48 Yesu akamwambia, "Binti, imani yako imekuponya. Nenda kwa amani."

Marko 11:24 Kwa hiyo nawaambieni, mnaposali na kuomba kitu, aminini kwamba mmekipokea, nanyi mtapewa.

Yakobo 5:14,15 Je, yuko mgonjwa kati yenu? Anapaswa kuwaita wazee wa kanisa, nao watamwombea na kumpaka mafuta kwa jina la Bwana. Wakiomba kwa imani mgonjwa ataponyeshwa; Bwana atampatia nafuu, na dhambi alizotenda zitaondolewa.

Luka 9:1,2 Yesu aliwaita wale kumi na wawili, akawapa uwezo juu ya pepo wote, na uwezo wa kuponya wagonjwa. Halafu akawatuma waende kuhubiri Ufalme wa Mungu na kuponya wagonjwa.

Yohane 14:12 Kweli nawaambieni, anayeniamini atafanya mambo ninayofanya mimi; naam, atafanya hata makuu zaidi, maana nakwenda kwa Baba.

Mithali 3:7,8 "Usiwe mwenye hekima machoni pako; Mche Bwana ukajiepushe na uovu.hukuwa afya mwilini pako, Na mafuta mifupani mwako."

MAISHA YA KIKRISTO

Yohane 13:34,35 Nawapeni amri mpya: pendaneni; pendaneni kama nilivyowapenda ninyi. Mkipendana, watu wote watajua kwamba ninyi ni wanafunzi wangu

Yakobo 4:17 Basi, mtu ambaye hafanyi lile jambo jema analoguja kwamba anapaswa kulifanya, anatenda dhambi.

1 Petro 2:12 Mwenendo wenu kati ya watu wasiomjua Mungu unapaswa kuwa mwema kabisa, ili hata watakawasingizieni kwamba mnatenda mabaya, waweze kutambua matendo yenu mema na hivyo wamtukuze Mungu Siku ya kuja kwake.

Luka 14:13,14 Badala yake, unapofanya karamu, waalike maskini, vilema viwete na vipofu, nawe utakuwa umepata baraka, kwa kuwa hao hawana cha kukulipa. Maana Mungu atakupa tuzo lako wakati watu wema watakafufuka."

Yeremia 29:11 "Maana nayajua mawazo ninayowawazia ninyi, asema Bwana, ni mawazo ya amani wala si ya mabaya, kuwapa ninyi tumaini siku zenu za mwisho"

Marko 11:25,26 Mnaposimama kusali, sameheni kila mtu aliywakosea chochote, ili Baba yenu aliye mbinguni awasamehe ninyi makosa yenu. Lakini msipowasamehe wengine, hata Baba yenu aliye mbinguni hatawasamehe ninyi makosa yenu."

Isaya 43:25 "Mimi, naam, mimi ndimi niyafutayo makosa yako kwa ajili yangu mwenyewe, wala sitazikumbuka dhambi zako."

Isaya 44:22 "Nimeyafuta makosa yako kama wingu zito, na dhambi zako kama wingu; unirudie, maana nimukukomboa."

Mathayo 26:28 Maana hii ni damu yangu inayothibitisha agano, damu inayomwagwa kwa ajili ya watu wengi ili kuwaondolea dhambi.

2 Mambo ya nykati 7:14 "ikiwa watu wangu walioitwa kwa jina langu, watajinyenyekesha, na kuomba na kutafuta uso, na kuziacha njia zao mbaya; basi, nitasikia toka mbinguni, na kuwasamehe dhambi yao na kuiponya nchi yao."

USHINDI

1 Yohane 5:4,5 Maana kila aliye mtoto wa Mungu anaweza kuushinda ulimwengu. Hivi ndivyo tunavyoushinda ulimwengu: kwa imani yetu. Nani, basi, awezaye kuushinda ulimwengu? Ni yule anayeamini kwamba Yesu ni Mwana wa Mungu.

Luka 10:19 Naam, nimewapeni uwezo wa kukananya nyoka na ng'e, na uwezo juu ya nguvu zote za yule adui; hakuna chochote kitakachowadhuru.

1 Yohane 4:4 Lakini ninyi, watoto, ni wake Mungu na mmekwisha washinda hao manabii wa uongo; maana Roho aliye ndani yenu ana nguvu zaidi kuliko roho aliye ndani ya hao walio wa ulimwengu.

Waroma 8:37 Lakini, katika mambo haya yote, tumepata ushindi mkubwa kwa msaada wake yeeye aliyetupenda.

1 Wakorintho 15:57 Lakini tumshukuru Mungu anayetupatia ushindi kwa njia ya Bwana wetu Yesu Kristo.

Wagalatia 6:9 Basi, tusichoke kutenda mema; maana tusipolegea tutavuna mavuno kwa wakati wake.

2 Wakorintho 9:8 Mungu anaweza kuwapeni ninyi zaidi ya yale mnayoyahitaji, mpate daima kuwa na kila kitu mnachohitaji, na hivyo mzidi kusaidia katika kila kazi njema.

Isaya 41:10 "Usiogope, kwa maana mimi ni mungu wako; Nitakutia nguvu, naam Nitakusaidia, Naam nitakushika kwa mkono wa kuume wa haki yangu."

1 Wakorintho 15:58 Basi, ndugu zangu wapenzi, simameni imara na thabiti. Endeleeni daima kuwa na bidii katika kazi ya Bwana, mkijua kwamba kazi mnayofanya katika utumishi wa Bwana haitapotea bure.

Waroma 8:28 Tunajua kwamba, katika mambo yote, Mungu hufanya kazi na kuifanikisha pamoja na wote wampendao, yaani wale aliowaita kufuatana na kusudi lake.